



Scoil Chualann

Polasaí Iontrála

Bóthar Vevay, Bré, Co Chill Mhantáin. A98 VP93

Uimhir Rolla: 19584K

Guthán: (01) 2861388 Ríomhphost: oifigsc@scoilchualann.ie

Feidhmníonn Scoil Chualann faoi Phátrúnacht an Ardeaspag Baile Átha Cliath

Scoilbhliain: 2022/2023

1 Réamhrá:

Comhlíonann an Polasaí Iontrála seo ceanglais an Achta Oideachais 1998, an Achta Oideachais (Iontráil i Scoileanna) 2018 agus an Achta um Stádas Comhionann 2000. Agus an polasaí seo á dhréachtú, chuaigh Bord Bainistíochta na scoile i gcomhairle le foireann na scoile, le pátrún na scoile agus le tuismitheoirí leanaí atá ag freastal ar an scoil.

D'fhaomh an pátrún scoile an polasaí ar an 25ú Meitheamh 2020. Tá sé foilsithe ar shuíomh gréasáin na scoile agus cuirfear ar fáil i gcóip chrua é ar iarratas d'aon duine a iarrann é.

Tá na dátaí agus na hamlínte ábhartha do pholasaí iontrála Scoil Chualann leagtha amach san fhógra maidir le hiontráil bhliantúil na scoile a fhoilsítear go bliantúil ar shuíomh gréasáin na scoile seachtain amháin ar a laghad roimh thús an phróisis iontrála don scoilbhliain lena mbaineann.

Ní mór an polasaí seo a léamh i gcomhar leis an bhfógra maidir le hiontráil bhliantúil na scoile don scoilbhliain lena mbaineann.

Foilsítear an fhoirm iarratais i gcomhair iontrála ar shuíomh gréasáin na scoile agus cuirfear cóip chrua di ar fáil d'aon duine a iarrann sin.

Sa chás nach bhfuil an leagan Gaeilge agus an leagan Béarla ag teacht le chéile is ag an leagan Gaeilge a bheidh forlámhas.

2 Spiorad sainiúil agus cuspóirí ginearálta na scoile

Éiteas Scoile

Bunscoil náisiúnta lán-Ghaelach chomhoideachais le héiteas Caitliceach faoi phátrúnacht Ardeaspag Caitliceach Bhaile Átha Cliath is ea Scoil Chualann. Bunaíodh an scoil sa bhliain 1977 leis na haidhmeanna seo a leanas:

- Bunoideachas trí mheán na Gaeilge a chur ar fáil do dhaltaí as teaghlaigh gurb í an Ghaeilge an ghnáth-theanga iontu
- Bunoideachas trí mheán na Gaeilge a chur ar fáil do dhaltaí eile agus a chur ar a gcumas bheith ina gcainteoirí líofa Gaeilge
- Timpeallacht Ghaelach a chur ar fáil agus dúil sa Ghaeilge agus i saíocht na Gaeilge a chothú i measc na ndaltaí agus na dtuismitheoirí. Is príomhchuspóir de chuid na scoile í an teanga a chothú.

Ciallaíonn 'Éiteas Caitliceach' éiteas agus spiorad sainiúil an Eaglais Chaitlicigh Rómhánaigh faoi phátrúnacht an Ardeaspag, Baile Átha Cliath, a chuireann chun cinn:

- a) forbairt iomlán na ndaltaí - idir intleachtúil, mhothálach, fhisiciúil, spioradálta, aeistéitiúil agus shóisialta
- b) gaol beo le Dia agus le daoine eile
- c) fealsúnacht saoil buaithe ar chreideamh i nDia agus saol, bás agus aiséirí Íosa; agus
- d) oiliúint na ndaltaí sa chreideamh Caitliceach

Cuirimid oideachas reiligiúnda ar fáil do na daltaí de réir dhúnghaoisí, chleachtais agus thraidisiúin na hEaglaise Caitlicí Rómhánaí agus/ nó de réir mar a leagann Comhdháil Easpag na hÉireann amach.

De réir S.15 (2) (b) den Acht Oideachais 1998, seasfaidh Bord Bainistíochta na scoile le, agus beidh sé freagrach don phátrún as, spiorad saineúil na scoile de réir na luachanna cultúrtha, oideachasúla, mórálta, reiligiúnda, sóisialta, teangúla agus spioradálta a threoraíonn chuspóirí agus reachtáil na scoile.

Is é ár nDúnghaois i Scoil Chualann ná sár-oideachas lán-Ghaelach Caitliceach a chur ar fáil do dhaltáí na scoile mar bhunscoil chomhoideachais. Cuirimid ár nDúnghaois i bhfeidhm trí:

- Chothrom na Féinne a thabhairt do Phobal na Scoile ar bhealach cairdiúil, cothrom, réasúnta
- bhéim a chur ar fhorbairt Phobal na Scoile mar shaoránaigh d'Éirinn agus den domhan go hintleachtúil, mothúchánach, fisiciúil, spioradálta, aeistéitiúil agus go soisialta
- mheas orainn féin agus ar dhaoine eile agus ar ár gcultúr Gaelach agus ar chultúir eile a chothú.
- bhéim a chur ar shábháltacht agus ar shástacht dhaltáí
- na daltaí a ullmhú don oideachas iarbhunscoile agus don saol amach rompu

Creidimid go bhfuil na haidhmeanna agus an dúnghaois seo ag teacht le fíis an Choiste Bunaithe Scoil Chualann.

Is é an córas tumoideachais atá i bhfeidhm sa scoil. Tosaítear ar an mBéarla a theagasc nuair atá an páiste i Rang Naíonáin Mhóra sa dara téarma.

3 Ráiteas maidir le hIontráil

Ní dhéanfaidh Scoil Chualann idirdhealú maidir le dalta a ligean isteach i scoil ar bhonn aon cheann díobh seo a leanas:

- a) inscne an dalta nó an iarratasóra i leith an dalta lena mbaineann,
- b) stádas sibhialta an dalta nó an iarratasóra i leith an dalta lena mbaineann,
- c) stádas teaghlaigh an dalta nó an iarratasóra i leith an dalta lena mbaineann,
- d) gnéaschlaonadh an dalta nó an iarratasóra i leith an dalta lena mbaineann,
- e) reiligiún an dalta nó an iarratasóra i leith an dalta lena mbaineann,
- f) bunús mhíchumas an dalta nó an iarratasóra i leith an dalta lena mbaineann,
- g) cine an dalta nó an iarratasóra i leith an dalta lena mbaineann,
- h) dalta nó iarratasóir ó phobal an lucht siúil i leith an dalta lena mbaineann, nó
- i) riachtanais speisialta oideachais a bheith ag an dalta nó ag an iarratasóir i leith an dalta lena mbaineann.

De réir Alt 61 (3) den Acht Oideachais 1998, forléireofar 'foras stádais sibhialta', 'foras míchumais', 'leithcheal', 'foras stádas teaghlaigh', 'foras inscne', 'foras cine', 'foras reiligiúin', 'foras gnéaschlaonta' agus 'foras pobail Taistil' de réir alt 3 den Acht um Stádas Comhionann 2000.

4 Na Catagóirí de Riachtanais Speisialta Oideachais a ndéantar freastal orthu sa scoil

Ní scoil speisialta í Scoil Chualann agus níl aon rang speisialta inti faoi láthair. Cuirtear iarratas ar áit sa scoil do pháistí ag a bhfuil riachtanais speisialta oideachais ar an bhfoirm iarratais chaighdeánach Iontrála/Clárú.

5 Daltaí a Ligean Isteach

Ligfidh an scoil seo isteach gach dalta atá ag lorg iontrála ach amháin sna cásanna a leanas -

- a) i gcás ina bhfuil ró-éileamh ar an scoil (féach [alt 6](#) thíos le haghaidh tuilleadh sonraí)
- b) i gcás go dteipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin.

6 Ró-Iarratas

Sa chás go bhfuil ró-éileamh ar an scoil, déanfaidh an scoil na critéir roghnaithe a leanas a chur i bhfeidhm san ord ina bhfuil siad thíos maidir leis na hiarratais a fhaightear laistigh den amlíne chun iarratais a fháil mar atá leagtha amach i bhfógra iontrála na scoile agus na hiarratais ar chead isteach á gcinneadh aici.

Tá sé de cheart ag an mBord Bainistíochta uasmhéid líon na bpáistí in aon rang ar leith agus sa scoil ina hiomláine a leagadh síos.

I gcás ró-éilimh, is mar seo a dháilfear na háiteanna:

Naíonáin Shóisireacha

Glacfar le hiarratais do pháistí a bheidh 4 bliana d'aois, ar a laghad, roimh an 31ú Márta don bhliain iarratais. Má tá níos mó iarratais ná áiteanna, dáilfear na háiteanna mar seo a leanas:

1	1	Páistí a bheidh ceithre bliana d'aois ar a laghad, roimh an 31ú Márta den scoilbhliain ina bhfuil áit á lorg sa scoil dóibh go bhfuil leibhéal líofachta acu atá ar leibhéal a mbeifeá ag súil leis dá mbeadh an teanga á labhairt mar ghnáthmhodh cumarsáide i suíomh neamhoideachasúil, ag tógaint san áireamh aois agus aon riachtanais speisialta oideachais atá ag an bpáiste agus go mbeadh an dóchúlacht go n-imeodh an líofacht luaithe ar gcúl muna scaoilfí an páiste isteach i scoil Ghaeilge.
	2	Sibling le dalta atá ag freastal ar an scoil nó le hiardhalta a d'fhreastal ar an scoil ar feadh dhá bhliain ar a laghad a bheidh ceithre bliana d'aois ar a laghad, roimh an 31ú Márta den scoilbhliain ina bhfuil áit á lorg sa scoil dóibh.
	3	Iarrthóirí eile a fuair roimh an dáta deireannach d'iarratais de réir an Fhógra Bhliantúil a bheidh ceithre bliana d'aois ar a laghad, roimh an 31ú Márta den scoilbhliain ina bhfuil áit á lorg sa scoil dóibh.

2	1	Páistí a bheidh ceithre bliana d'aois ar a laghad, tar éis an 31ú Márta ach roimh an 1ú Mheán Fómhair den scoilbhliain ina bhfuil áit á lorg sa scoil dóibh go bhfuil leibhéal líofachta acu atá ar leibhéal a mbeifeá ag súil leis dá mbeadh an teanga á labhairt mar ghnáthmhodh cumarsáide i suíomh neamhoideachasúil, ag tógaint san áireamh aois agus aon riachtanais speisialta oideachais atá ag an bpáiste agus go mbeadh an dóchúlacht go n-imeodh an líofacht luaithe ar gcúl muna scaoilfí an páiste isteach i scoil Ghaeilge.
	2	Sibling le dalta atá ag freastal ar an scoil nó le hiardhalta a d'fhreastal ar an scoil ar feadh dhá bhliain ar a laghad a bheidh ceithre bliana d'aois ar a laghad, tar éis an 31ú Márta ach roimh an 1ú Meán Fómhair den scoilbhliain ina bhfuil áit á lorg sa scoil dóibh
	3	Iarrthóirí eile a fuair roimh an dáta deireannach d'iarratais de réir an Fhógra Bhliantúil a bheidh a bheidh ceithre bliana d'aois ar a laghad, tar éis an 31ú Márta ach roimh an 1ú Mheán Fómhair den scoilbhliain ina bhfuil áit á lorg sa scoil dóibh.

3	Iarratais dhéanacha lasmuigh den am leagtha síos san Fhóra Iontrála.
---	--

Nóta: Tá sé de chead ag an mbord roghanna eile a lua i measc na gcritéir, agus san ord is mian leo, ar a n-áirítear a) páistí de chuid na foirne, b) páistí de chuid iarscoláirí, c) laistigh de cheanta sainithe, nó d) cásanna eisceachtúla (cúinsí íogaire clainne, mar shampla).

Nóta: Sa chás gur mian le tuismitheoirí go n-áireofaí a bpáiste mar pháiste a bhfuil leibhéal líofachta sroichte aige/ aici sa Ghaeilge tabharfar cuireadh don tuismitheoir fianaise a chur ar fáil chun an líofacht sin a léiriú do ionadaithe an Bhord Bainistíochta. Muna nglactar leis an bhfianaise cuirfear an páistí i gcatagóir eile, de réir mar is cuí. Is féidir achomharc i scríbhinn/ríomhphost a dhéanamh chuig an mBord Bainistíochta laistigh de chuig lá oibre / sheachtain amháin ón gcinneadh a fháil. Iarrfar ar bheirt ionadaí eile ón mBord an fhianaise a bhreithniú. Ní cheadófar fianaise nua. Má ghlactar leis an bhfianaise, ach go mbeartaíonn an tuismitheoir an páiste a chur siar go dtí Liosta Iarrthóirí na bliana ina dhiaidh sin, ní bheidh gá fianaise a chur ar fáil arís don leibhéal líofachta sa Ghaeilge. Is ag an mBord Bainistíochta a bheidh an cinneadh deireannach.

Más mó líon na n-iarratas in aon chatagóir ná líon na spásanna ar fáil don chatagóir sin, agus comhscór d'áit / áiteanna, cuirfear na hiarrthóirí go léir sa chatagóir sin in ord. Bronnfar na háiteanna ag úsáid **crannchur**.

7 An Méid nach mbreithneofar ná nach gcuirfear san áireamh

De réir alt 62(7)(e) den Acht Oideachais 1998, ní dhéanfaidh an scoil aon cheann díobh seo a leanas a bhreithniú ná a chur san áireamh agus iarratais ar chead isteach á gcinneadh nó nuair a bhíonn dalta á c(h)ur ar liosta feithimh le haghaidh iontrála sa scoil.

- a) freastal roimh ré ag dalta ar réamhscoil nó ar sheirbhís réamhscoile, lena n-áirítear naíonraí,
- b) íocaíocht táillí nó ranníocaíochtaí (cibé slí a dtuairiscítear é) leis an scoil;
- c) cumas, scileanna nó inniúlacht acadúil an dalta seachas de réir fhorálacha alt 62(9) den Acht
- d) gairm, stádas airgeadais, cumas acadúil, scileanna nó inniúlacht tuismitheoirí dalta;
- e) ceanglas go bhfreastalóidh dalta, nó a t(h)uismitheoirí ar agallamh, lá oscailte nó cruinniú eile mar choinníoll iontrála;
- f) ceangal dalta leis an scoil de bhua duine dá t(h)eaghlach nó dá teaghlach ag freastal ar an scoil nó a bhí ag freastal ar an scoil roimhe sin;
- g) seachas, i gcás siblíngí dalta a fhreastalaíonn ar an scoil nó a d'fhreastail ar an scoil de réir mar atá leagtha amach thuas.
- h) an dáta agus an t-am ar ghlac an scoil le hiarratas iontrála.

Tá sé sin faoi réir an iarratais a bheith faighte ag am ar bith le linn na tréimhse a shonraítear chun iarratais a fháil mar atá leagtha amach i bhfógra iontrála bliantúil na scoile don scoilbhliain lena mbaineann.

Tá sé sin faoi réir freisin ag an scoil tairiscintí a dhéanamh bunaithe ar liostaí feithimh reatha (suas go dtí an 31ú Eanáir 2025 amháin).

8 Cinntí ar Iarratais

Béidh na cinntí go léir maidir le hiarratais ar iontráil chuig Scoil Chualann bunaithe ar na nithe a leanas:

- Polasaí iontrála na scoile
- Fógra iontrála bliantúil na scoile (nuair is cuí);
- An fhaisnéis a chuir an t-iarratasóir ar fáil le agus i bhfoirm iarratais oifigiúil na scoile a fuarthas le linn na tréimhse atá sonraithe inár bhfógra iontrála bliantúil chun iarratais a fháil;

Ní úsáidfeadh critéir roghnúcháin nach n-áirítear inár bpolasaí iontrála scoile chun cinneadh a dhéanamh maidir le hiarratas ar áit inár scoil.

(Féach Alt 14 thíos maidir le hiarratais faighte lastuigh den treor ama leagtha ins an tréimse Iontrála agus Alt 15 maidir le háit a fháil sa scoil i ranganna lasmuigh den grúpa Naíonáin).

Ní úsáidtear aon Chritéir nach bhfuil liostáilte ar an bpolasaí seo le cinneadh a dhéanamh ar iarratas d'áit inár scoil.

9 Cinntí a chur in iúl d'iarratasóirí

Cuirfear iarratasóirí ar an eolas i ríomhphost/ scríbhinn maidir le cinneadh na scoile, laistigh den amlíne atá leagtha amach san fhógra bliantúil iontrála.

Mura dtairgtear áit do dhalta inár scoil, cuirfear na cúiseanna nár tairgeadh áit dó nó di ar fáil i scríbhinn don iarratasóir, lena n-áirítear, nuair is infheidhme, sonraí maidir le rangú an dalta i gcoinne na gcritéir roghnúcháin agus na sonraí faoi áit an dalta ar an liosta feithimh don scoilbhliain lena mbaineann.

Cuirfear iarratasóirí ar an eolas faoin gceart chun athbhreithniú/ceart achomhairc a lorg maidir le cinneadh na scoile (féach Alt 18 thíos le haghaidh tuilleadh sonraí).

10 Glacadh le tairiscint áite ag iarratasóir - treoir don thuismitheoir/chaomhnóir

Agus tairiscint iontrála á glacadh agat ó Scoil Chualann ní mór duit an méid a leanas a léiriú:

- (i) cé acu an bhfuil nó nach bhfuil glactha agat le tairiscint iontrála ar scoil nó ar scoileanna eile. Má ghlac tú le tairiscint den sórt sin, ní mór duit sonraí na tairisceana nó na dtairiscintí lena mbaineann a chur ar fáil freisin.
- (ii) cé acu an bhfuil iarratas déanta agat ar thairiscint iontrála ó scoil nó ó scoileanna eile nó cé acu an bhfuil tú ag feitheamh lena dheimhniú, agus má tá, ní mór duit sonraí na scoile nó na scoileanna eile lena mbaineann a sholáthar.

11 Cúinsí nach féidir tairiscintí a dhéanamh nó ar féidir tairiscint a tharraingt siar dá mbarr

Ní féidir le Scoil Chualann tairiscint iontrála a dhéanamh, nó is féidir tairiscint a tharraingt siar, sna cásanna a leanas:

- (i) déantar amach go bhfuil an fhaisnéis atá san iarratas bréagach nó míthreorach.
- (ii) teipeann ar iarratasóir glacadh le tairiscint iontrála ar nó roimh an dáta atá leagtha amach i bhfógra iontrála bliantúil na scoile.
- (iii) má theipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhú i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin; nó
- (iv) teipeann ar iarratasóir riachtanais a chomhlíonadh chun 'glacadh le tairiscint' mar atá leagtha amach in alt 10 thuas.

12 Sonraí a roinnt le scoileanna eile

Ba chóir d'iarratasóirí a bheith feasach go gceadaítear le hAlt 66(6) den Acht Oideachas (Iontráil Scoileanna), 2018 comhroinnt sonraí idir scoileanna d'fhonn iontráil éifeachtach daltaí a éascú.

Ceadaíonn Alt 66(6) don Phátrún nó Bord Bainistíocht de scoile eile, liosta de dhaltaí atá:

- (i) Iarratas a curtha agus faighte ag an scoil dóibh
- (ii) Ofráil Iontrála tugtha don tugtha
- (iii) Ofráil Iontrála chun na scoile glactha

A leanas a bhféadfadh bheith ar an liosta:

- (i) Dáta a fuair an scoil an foirm iarratas/iontrála
- (ii) Dáta gur ofráladh áit sa scoil
- (iii) Dáta gur glacadh le háit sa scoil
- (iv) Eolas pearsanta an dalta, san áireamh ná: ainm, seoladh, dáta breithe, uimhir PPS (lastuigh de mhíniú Alt 262 den *Social Welfare Consolidation Act 2005*)

13 Liosta feithimh i gcás ró-iarratais

I gcás go mbeidh níos mó iarratas ar an scoilbhliain lena mbaineann ná na háiteanna atá ar fáil, tiomsófar liosta feithimh de dhaltaí nár éirigh lena n-iarratas ar iontráil chuig Scoil Chualann mar gheall ar ró-éileamh ar an scoil agus beidh siad bailí don scoilbhliain ina bhfuil cead isteach á lorg. Tá socrúchán ar liosta feithimh Scoil Chualann san ord tosaíochta a shanntar d'iarratais na ndaltaí tar éis don scoil na critéir roghnúcháin a chur i bhfeidhm de réir an pholasaí iontrála seo. Déanfar tairiscintí maidir le haon áiteanna ina dhiaidh sin a bheidh ar fáil don scoilbhliain agus lena linn a bhfuil cead isteach á lorg ina leith maidir leis na daltaí sin ar an liosta feithimh, de réir an oird tosaíochta ar cuireadh na daltaí ar an liosta.

14 Iarratais Dhéanacha

Breithneofar agus déanfar cinneadh ar gach iarratas ar chead isteach a fhaightear tar éis an dáta deiridh mar atá leagtha amach san fhógra iontrála bliantúil de réir pholasaí iontrála ár scoile, de réir an Achta um Iontrálacha Scoile 2018 agus de réir aon rialacháin a rinneadh faoin Acht sin.

Cuirfear Iarratasóirí Dhéanach ar an eolas mar gheall ar an cinneadh mar gheall ar a n-iarratas lastuigh de thrí sheachtain tar éis an dáta go bhfaigheann an scoil an iarratas. Ofráltar áit d'iarratasóirí dhéanach má tá spás ar fáil. Sa chás, nach bhfuil aon áit ar fáil, rachaidh ainm an iarratasóir chuig an liosta feitheamh mar atá leagtha amach Alt 13.

15 Nósanna imeachta maidir le daltaí a ligean isteach i mblianta eile agus le linn na scoilbhliana

Seo a leanas nósanna imeachta na scoile maidir le daltaí a ligean isteach nach bhfuil glactha isteach sa scoil cheana féin chuig ranganna nó blianta seachas grúpa iontrála na scoile:

Clárúchán sna Naíonáin Shinseareacha

Má bhíonn folúnta(i)s sna Naíonáin Shinsearacha agus níos mó iarratas ar áiteanna ná mar atá folúntas déanfar na háiteanna sin a dháileadh de réir na gcritéar do na Naíonáin Shóisireacha.

Clárúchán i Ranganna seachas na Naíonáin Shóisearacha agus Shinsireacha

- Glacfar le páistí i ranganna Rang 1 - Rang 6 má tá spás sa rang.
- Is gá do thuismitheoirí/caomhnóirí ar mian leo iarratas a dhéanamh ar áit in aon rang seachas Naíonáin Shóisearacha litir iarratais chuige sin a scríobh chuig Cathaoirleach an Bhoird Bainistíochta. Is é an Bord Bainistíochta a dhéanfaidh an cinneadh faoi pháistí a ghlacadh in aon rang eile.
- Má fhaighimid iarratais d'áit i rith na bliana déileálfar leis ag an gcéad chruinniú eile den Bhord Bainistíochta. Má tá folúntas/ folúntais i rang agus níos mó iarratas ná mar atá folúntais cuirfear in ord iad de réir na gcritéar céanna atá leagtha amach thuas do na Naíonáin Shóisireacha.
- Is ag cruinniú na Bealtaine den Bhord Bainistíochta a dhéileálfar le hiarratais atá faighte roimhe sin don chéad scoilbhliain eile. Déileálfar le hiarratais a thagann ina dhiaidh sin ag aon chruinniú eile roimh shaoire an tSamhraidh. Tabharfaidh an Bord Bainistíochta údarás don Phríomhoide nó do dhaoine eile déileáil le hiarratais de réir pholasaí na scoile thar a cheann idir chruinniú deireanach na scoilbhliana agus chéad chruinniú na scoilbhliana nua.

Is é an nós imeachta maidir le hiontráil do dhaltaí ag lorg áit sa scoil tar éis tús an scoilbhliain, sa bhliain atá áit á lorg ná, seo a leanas:

Mar an gcéanna ná mar thuas.

16 Dearbhú maidir le gan táillí a ghearradh

Ní ghearrfaidh bord Scoil Chualann ná aon duine a ghníomhaíonn thar a ceann táillí ar íocaíocht nó ní lorgeoidh sé nó sí íocaíocht ná ranníocaíocht (cibé slí a dtuairiscítear) mar choinníoll de -

- a) iarratas ar dhalta a ligean isteach sa scoil, nó
- b) iontráil nó clárú leanúnach dalta sa scoil.

17 Socruithe maidir le dailtaí nach bhfreastalaíonn ar theagasc reiligiúnach

Ba cheart iarratas scríofa a dhéanamh chuig Príomhoide na scoile. Eagrófar cruinniú leis na thuismitheoir(i) nó dalta(i) chun plé a dhéanamh ar conas gurb é féidir leis an scoil tacú leis an iarratas.

18 An Ceart chun Athbhreithnithe/Achomhairc

Athbhreithniú ar chinntí an Bhord Bainistíochta

Féadfaidh thuismitheoir mac léinn iarraidh ar an mbord athbhreithniú a dhéanamh ar an gcinneadh áit sa scoil a dhiúltú. Ní mór iarratais den gcineál sin a dhéanamh de réir Alt 29C den Acht Oideachais 1998.

Tá an t-amlíne ina gcaithfear athbhreithniú den gcineál sin a iarraidh agus na ceanglais eile a bhaineann maidir le hathbhreithnithe den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Déanfaidh an Bord athbhreithnithe den gcineál sin de réir na nósanna imeachta a rialáitear faoi Alt 29B i gcomhair le Alt 29C den Acht Oideachais 1998.

Tabhair faoi deara: Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, ní mór don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Ceart Achomhairc

Faoi Alt 29 den Acht Oideachais 1998, féadfaidh tuismitheoir mac léinn achomharc a dhéanamh ar chinneadh na scoile seo áit sa scoil a dhiúltú.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar ró-éileamh ar áiteanna sa scoil.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil.

Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, **ní mór** don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh **roimh achomharc a dhéanamh** faoi alt 29 den Acht Oideachais 1998. (féach Athbhreithniú ar chinntí an Bhord Bainistíochta)

Sa chás gur diúltaíodh áit d'iarratasóir mar gheall ar chás seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998. (féach Athbhreithniú ar chinntí an Bhord Bainistíochta)

Déanfar achomhairc faoi Alt 29 den Acht Oideachais 1998 a mheas agus a chinneadh ag coiste neamhspleách achomhairc arna cheapadh ag an AIRE Oideachais agus Scileanna.

Tá an t-amlíne ina gcaithfear achomharc den gcineál sin a iarraidh agus na ceanglais eile a bhaineann maidir le hachomhairc den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Déanfar athbhreithniú ar an bpolasaí seo go tráthrialta ag an mBord Bainistíochta.

Sínithe: Máire Uí Airmhighe	Sínithe: Michelle Ní Thuama
Cathaoirleach	Príomhoide
Dáta: 7.9.2022	Dáta: 7.9.2022